

光緒山西通志

之濁源其爲利概可觀矣舊志比又郡縣於河道井泉橋梁一一備列茲惟志渠堰其無渠而有隄工者亦並書防患也附以案牘碑文杜爭也舊渠雖廢仍詳之冀興復且不沒前人之勞也

太原府

陽曲縣

縣西汾河渠二十八道河東西各十四渠溉田一百二十五頃有奇

土堂村渠由烈石口接水至土堂村南溉田一頃五十畝
呼延村渠舊有錢家渠北由烈石口接水南至張村溉田三十頃有奇水至小東流村歸河

以下九渠並錢家舊渠

張村渠北由呼延村南至楊家村溉田五頃五十畝有奇

楊家村渠北由張村南至柴村溉田八頃十畝有奇
柴村渠北由楊家村南至芮城村溉田八頃有奇

三給村渠北由芮城村南至營村溉田三頃五十畝

營村渠北由三給村南至鑠落村溉田一頃二十畝

鑠落村渠北由營村南至東流村溉田一頃五十畝

東流村渠北由鑠落村西至彭村南盡河岸溉田三頃三

十五畝

彭村渠東由東流村接水溉田二頃二十五畝

北屯村渠自東流村接水溉田一頃八十三畝

西流諸村渠有新開義渠由烈石口接水至彭村歸河溉

田四頃三十五畝

以上並
在河西

橫渠下薛諸村渠一道由烈石口接水至下薛村溉田一

十三頃有奇

西村渠由蘭村烈石口接水至翟村溉田十頃有奇

翟村渠由西村接水至上礪村溉田三頃六十四畝

上礪村渠由翟村接水至村南小河歸汾溉田七頃一十八畝

下蘭村渠由下蘭村崖頭接水溉田二頃有奇

趙莊村渠係古渠上山北固礪村接水下至小河歸汾溉田七頃有奇

寇莊三給廟親賢諸村渠卽城南龍首渠北自南關西接

水溉三給廟村田一頃六十畝北寇莊田一頃南寇莊田

頃三十畝親賢村田一頃五十畝

以上並在河東

芮城村渠河口村渠並在汾西

見縣志

芮城村渠舊通志附柴村三給二渠下

向陽店渠下溫村渠北固礮渠古城村渠柏板村渠鎮城

村渠並在汾東

見縣志又橫渠下薛二渠舊志合為一渠茲姑仍之

舊通志新舊渠共十九道胥引汾水溉田渠長司之

案

惟河西流村義渠為新渠又云龍首渠引汾水自鎮河樓流經寇莊觀賢等村至太原縣烏城等村溉田萬曆十四年間整後時開時塞又案縣志所列渠道較舊志多九渠皆不詳所溉田數存其名俟考

舊渠有忠利永濟麗澤三渠並廢

舊通志忠利渠永濟渠久不通又明成化中刑部郎

中李燧從侍郎何喬新墾荒山西開麗澤渠以溉田

縣志

忠利永濟二渠在汾水東南

河隄設汾八隄在西門外其北有東流土隄下蘭石壩其防

山潦者郁利隄石河隄鎮城沙堰並在縣北

舊通志汾水暴漲民輒憂擾宋天聖二年知太原府陳

堯佐爲隄植柳數萬本作柳溪民賴其利又熙甯初汾

河大溢知太原府王素曰若壞平晉遂灌州城矣亟命

具舟楫築隄以塹之一夕水驟至人賴以安

案柳溪久廢宋時隄

址未詳城北六十五里郁利村三覺寺東南百步水自

亭子山下下溝匯爲害元大德七年僧琮進砌石堰橫

八步縱八十餘步高四十餘丈村民賴之至大元年立

石

縣志護汾隄分長隄永固汾澤安瀾八段東流土隄在

小東流村北沿隄植柳長三百七十餘步隄東北隅卽

金剛嘴隆古汾水不能沖動嘉慶三年築龍金堰東西

長二百四十餘步闊十步又蘭趙渠堰長五里闊三丈

案護城隄八段每段長一百九十三丈光緒十二年重築又接修金剛堰七十三丈又於下蘭村石壩外增築

土隄五百五十三丈五尺石河隄在柏板村西乾隆年築長百餘丈鎮城村沙堰二道凌井溝而下一帶護隄也

縣志乾隆三年巡撫石奏汾水向傍西行縱遇泛漲其勢稍輕可以抵禦今水勢東遷衝激隄堰必須增加培修當經請帑一千二百餘兩修理 乾隆六年巡撫喀奏汾水近年傍東而行每歲五六月間山水驟發大溜直抵土堰深慮決隄而入城郭堪虞若欲建築石隄而河旁悉繫流沙衝刷靡定難安基址現今酌議除每年水涸時加培隄堰使之堅厚外其最要者在水發時視其頂衝之處稍有衝刷立即搶修庶免穿隄潰堰之患但此等急工若不豫爲辦料則臨事無濟請於每年額定歲修銀六百兩在耗羨項下動給責令陽曲縣豫爲

辦理先於冬春水涸之際培築隄堰其餘物料豫貯河
干一遇水發緊工以資搶修工竣據實銷算多餘則繳
還不足則找補如此庶幾緩急有備費省工多河流不
致爲患城池得保無虞等因准行在案 道光二年六
月連朝大雨山水陡發汾河故道被淤經知縣慶詳報
委員查勘西河外河流舊形自北迤南由西岸順流而
下相距東岸之護城隄尙有百餘丈每遇汾水漲溢藉
有長隄永固汾澤安瀾八段隄堰攔護俾免河水浸灌
入城自本年六月大雨山水陡發上游沙石順溜沖流
河之故道淤平溜勢趨東緊逼護城隄下致瀾字隄一
段及安字隄尾沖塌一百餘丈其餘澤汾字隄堰外皮
亦間有刷損若不乘明春水涸之際挑挖引河一遇河

水漲發水勢漸次東趨不特城外地畝盡爲河道且城之西北隅及南關外之老軍營等村莊皆頂衝之地山水陡漲攔阻全無勢必皆成水澤查河身自省城西北隅之金剛嘴起折流趨東應挖引河一道長六百丈又水西門迤南至小關止河徙東岸應於西邊挑挖引河一道長一千零八十丈均於溜頭各築攔水壩一道以遏水勢又補築瀾字隄及安字隄尾並於瀾字隄尾接修堰二十丈以護南關外居民廬舍田地經巡撫邱葵請動帑修築

光緒十二年六月二十五日連雨汾河驟漲決金剛堰大壩及護城兩隄直撲西北隅阜成振武二門同時沖開大溜漫壕而南復由大南門倒灌而入西南一帶官

舍民廬浸塌甚衆當卽塞決廝流大興工役凡舊隄皆增高培厚加築新壩又起土堰於下蘭村以防上流經巡撫剛奏動庫款佐以民捐至次年五月工竣

萬自約汾河渠壩記汾河出山陝中又值東山暴雨注下雨觸而成一勝故易徙浸假折而南直向乾方嘉靖末曾奪阜成門入中丞李公初鎮撫卽憂之適歲多雨擬穿河西渠令水直下而力殊艱鉅且水近城惟恐其不西又惟恐其愈益西乃自壩兒溝起抵教場南沿流作石壩若土壩初作水仍逼教場迤南撼振武門外橋居人夜坐屋上於是召甯武寧縣陽曲石人取石於山採椽於甯化約丈有一入地率半之中維薪樵稻藁取東郭赤埴和以石塊後加鈎椽合三成一相地之防每

石壩率十累或儉不下八累累皆從衝間作鈎刃縫合
銳形灰液而木紐之又起大小壩頭前出數武殺水怒
自乙巳二月始事至今年十月告成凡石壩七道長一
百四十五丈土壩九道長四百五十六丈新挑壩兒溝
河渠一道長四十三丈

謹案後漢建安十年鑿滹沱入泃名平虜渠元和志
平虜渠在魯城縣魏武北征匈奴開之舊通志引三

國志改入泃爲入汾繫之陽曲水利謬

魯城在今滹州續漢書郡

國志注引魏志繫之雁門郡鹵城下已誤爲入汾舊
志直踵其誤耳又案派即滹沱下流合眾水者亦作
派水經注所滹沱與汾相距百七十里中隔山阻無
謂派河尾也

由相通漢永平中嘗藉以漕羊腸亦止通忻口以東
諸隘耳非能引水入汾也而胡三省注通鑑已證爲

在太原其誤正同又案今府城始建於宋太平興國
七年地在三交泊間汾流爲患自昔已然故天聖初
有修隄之舉熙甯中有灌城之虞僅百年間事也晉
陽一炬之後舍舊謀新不乏形勝而必造基於沮洳
之場豈參商邪說猶未釋然歟元遺山詩云官街十
字改丁字釘破并州渠亦亡當時謀之不臧可以概
見遺患至今潘美諸人不能不任其咎也

太原縣

縣東汾河渠三十道河西十渠河東二十渠概一百二十餘
村田

鳳中渠北二十里陽曲縣看河樓西開渠引水南流至南
屯村二十里分小溝三又至南偃村五里分小溝五共概

二村田

豐泉渠在縣北陽曲縣看河樓西開渠引水經陽曲北屯村又經縣境大小王村上莊村南屯村至武家莊十里分小溝四又至董茹村三里分小溝一又至牛家營二里分小溝二又至北富村一里分小溝二又至城北村五里分小溝二附近小營村分小溝一又至南富村二里分小溝一其概七村田

西寨渠東北十里陽曲縣看河樓武廳開渠引水經縣境南屯村至吳家堡五里既田至北富村五里分小溝一至南富村一里既田至西寨村一里又分小溝二其概四村田睦俗西渠東北十里陽曲縣看河樓西開渠引水南流至古寨村三十里分小溝三至西寨村五里分小溝三木廠

頭村二里分小溝二賈家莊村一里分小溝二東城角村五里分小溝四共溉五村田

睦俗東渠東北十里陽曲縣看河樓西開渠引水東南流至古寨村三十里分小溝四又至舊寨村一里分小溝一龐家寨村三里分小溝三東城角村一里分小溝二共溉四村田

縣志有木厭頭共五村又雍正十年大村入例

縣東渠東五里陽曲縣看河樓視水勢開渠經陽曲境至縣境南屯吳家堡等村引水至渠起南富村至賈家莊一里二村分小溝九又至東關村三里分小溝十至東關廂三里分小溝七又至鹽堡村二里分小溝十六至鷺下村三里鷺歸店一里二村分小溝十一又至五府營三里分小溝五共溉八村田

晉陽西渠東十里陽曲縣看河樓開渠引水南流至瓦窰村四十里分小溝四又至東城角村三里分小溝二梁家寨二里分小溝三南瓦窰村一里分小溝四驚歸店一里分小溝四共溉五村田

晉陽東渠東十里嘉節村南開渠引水南流至北瓦窰村十五里分小溝五梁家寨一里分小溝二南瓦窰村二里分小溝三共溉三村田

西寨東渠東北十里灌吳家堡西寨村二村地畝自陽曲看河樓取水

廣濟渠東南五里溉北莊頭監軍莊武家寨東莊營野場村五府營六村田自舊寨村槐龍寺邊取水

此渠及西寨東渠舊通志

不列以上十渠並在河西不詳創始所謂舊渠也

興隆渠東北三十里陽曲縣看河樓西開渠引水東南流
至張村二十五里分小溝二范家堡一里分小溝一紅寺
村二里分小溝一又至西莊村五里分小溝二大吳村一
里分小溝二小吳村一里分小溝一共八村共溉六村田縣志有東西營

舊縣西渠東北二十五里陽曲縣看河樓西開渠引水東
南流至大馬村二十五里分大溝二般家堡一里分小溝
二小馬村二里分小溝一范家堡一里分小溝二紅寺村
一里分小溝二又至城西村三里分小溝三下莊村五里
分小溝二化章堡五里分小溝二圪塔營二里分小溝三
薛店村三里分小溝二又至小營屯分小溝二西攢村一
里分小溝二共溉一十二村田縣志有北畔村南畔村小店鎮東攢村共十六村又

乾隆癸未南黑
審新准入例

舊縣東渠東北二十五里陽曲縣看河樓西開渠引水東
南流至大吳村三十里又至小吳村一里分小溝三又至
北畔村一里分小溝四南畔村五里分小溝五又分小溝
三溉南黑審又至下莊村三里分小溝三下莊尾五里分
小溝二楊莊一里分小溝三化章堡一里分小溝五共溉
八村田

嘉節渠東北二十五里陽曲縣看河樓西開渠引水東南
流至大馬村十里分小溝二殷家堡一里分小溝二小馬
村三里分小溝三又至嘉節村五里分小溝五共溉四村
田

任碧渠東北十五里嘉節村西北開渠引水東南流至鞏

家堡一十五里又至東橋村三里分小溝二圪塔營二里分小溝三東攢村四里分小溝二薛店村二里分小溝三西攢村三里分小溝三小營屯一里分小溝三又至四賈村四里分小溝四共溉八村田

大村渠東十里嘉節村南槐龍寺開渠引水經小店鎮三里又至宋村七里分小溝五又至賈家寨五里分小溝一又至宋環村十里分小溝一共溉三村田

縣志嘉慶十年另開渠一道在

舊寨村東酒家地內取水

永利渠東一十五里吳家堡東開渠引水東南流至小店鎮十五里分小溝八鞏家堡五里分小溝七共溉二村田

雍正十年李家莊准入例

永盛渠東一十五里舊寨村東開渠引水南流至西橋村

十里分小溝四溫家堡二里分小溝二東橋村二里分小溝二共溉三村田

蒲村渠東一十五里李家莊西開渠引水南流至大村二里又至孫家寨五里又至蒲村北三里分小溝二十四又至西蒲村二里分小溝二又至南蒲村一里分小溝一又至草寨村二里分小溝一侯家寨三里分小溝四共溉五村田

梁家莊渠東一十八里李家莊西開渠引水南流至大村二里孫家寨五里又至梁家莊十一里分小溝五溉梁家莊田

縣志梁家莊印行渠條在李家莊西北官道橋口取水

北格渠東南十里大村西北開渠引水南流至小北格二里分小溝二又至大北格西北格村二里分小溝九又

至南格村二里分小溝一共溉四村田

孫家寨渠東南十里大村北開渠引水南流至孫家寨七里分小溝四溉孫家寨田

柳林堡渠東南十里武家寨西開渠引水南流經西草寨村八里至東柳莊北分小溝二劉家堡一里分小溝三共溉二村田

通義渠東南十五里賈家寨西北開渠引水南流至三賢村十五里分小溝三草寨村五里分小溝二南蒲村二里分小溝二共溉三村田

流澗渠東南一十五里大村北開渠引水東南流至流澗村十里有奇分東西二小渠西溉田至上均東溉田四十畝

陳王渠南二十里草寨東北開渠引水至同過村七里分小溝三又至石溝村分小溝二共溉二村田

既濟渠南三十里柳林莊西開渠引水經河灘村里解村洛陽村至南馬村十五里分小溝二又至清源鄉長頭村四里分小溝二共溉二村田

勲南渠自陽曲看河樓取水卽陽曲之龍首渠也溉張村烏城村許東村並分灌黃陵村馬連營後所營高中村溫泉村共九村田

里解渠南三十里自西草寨村北河灘開渠溉東西里解洛陽村三村田

通濟渠南四十里自河灘村開渠溉南吳堡並清源雲枝

村二村田勲南里解通濟三渠舊通志無以上二十渠並
在河東多明天啟三年知縣屈鍾所開舊志

所謂新開渠也

縣西晉水渠分南河北河中河陸堡河四渠溉三十二村田

南河共溉五村晉祠鎮北由泉源起南至邀河子止距泉

四里隸晉祠渠長王郭村下渠北由邀河子起南至牛家橋止

距泉七里南張村下渠北由牛家橋起南至二十七畝地

止距泉十里以上晉隸王張二村渠長索村上渠北由白衣菴前郭家

磨分支起南至天龍荒止距泉五里棗園頭上渠北由村

境三地起距泉八里南至村境老官人地止距泉一十四

里以上晉隸棗二村渠長

北河共溉十五村紙房村北渠南由晉祠鎮北門外雨花

寺口起北至赤橋村明仙橋止距泉一里縮赤橋村南由

明仙橋起北至薄堰口止距泉一里以上晉隸晉祠渠長小站營西

由赤橋村磨河口分支起東至五府營界止距泉五里小隸
站營渠甲五府營西由小站營界起東至馬圈屯界止距泉八
里隸五府營渠甲馬圈屯南由五府營界起北至南關廂界止距
泉十里隸小站營渠甲花塔西鎮南城角三村南由薄堰口起北
至南關廂寨門口止距泉遠近有差南關廂南由寨門口
起北至楊家北頭桑樹口止距泉八里楊家北頭西關廂
二村南由桑樹口起北至古城營官河口止距泉八里以上
隸花塔村渠長古城營南由關河口起北至羅城村羅城關沙堰
止距泉一十三里隸古城營渠甲羅城村南由古城營界起北至
韓家窰口止距泉一十八里隸花塔村渠長金勝村南由韓家窰
口起北至董茹村界止距泉二十五里隸金勝村渠甲董茹村南
由金勝村界起北至村境奶奶廟止距泉三十里隸董茹村渠甲

舊通志止十二村縣志並西關廟
南城角西與村爲十五村茲從之

中河渠共溉七村長巷村西由晉祠鎮東門外起東至麻
地橋止距泉二里西堡村西由春樹河起東至三根石橋
止距泉一里有半南大寺村西由葦葉河口起東至洞兒
河止距泉二里有半三家村西由長畛口起東至韓家荒
止距泉三里有半萬花堡西由後河口起東至退水河止
距泉四里以上晉縣東莊村西由泉子河起東至馬練河
止距泉四里隸東莊村渠東莊營西由案槽河口起東至退水
河止距泉五里隸東莊村渠

陸堡河渠共溉四村紙房村東南渠西由晉祠鎮中堡東
門外起東至塔院村界止距泉一里塔院村西由紙房村
東南界起東至北大寺地界止距泉一里有半北大寺村

西由塔院村地界起東至東莊村界止距泉二里有半東莊村西由北大寺地界起東至村境十字河止距泉三里以上晉隸陸堡河渠長

四渠之外野場村有小渠一道由東莊水閘取晉渠用剩餘水汲灌本村地畝

後漢書帝紀元初三年春正月甲戌修理太原舊溝渠溉灌官私田章懷注酈道元水經注曰昔智伯遏晉水灌晉陽後人踵其遺跡蓄以爲沼分爲二派北瀆卽智氏故渠也其瀆乘高東北注入晉陽城以灌溉東南出城注於汾水今所修溝渠卽謂此

舊通志宋嘉祐中知縣事陳知白分引晉水教民灌溉神宗八年七月太原府草澤史守一修晉祠水利溉田

六百餘頃

宋太谷知縣公乘良弼重廣水利記難老泉源晉祠下支行股引東走平陸十分之以溉民土倍加於昔者前大夫陳君所爲也嘉祐五年君來飭府禁浮說浚其源爲十分穴廟垣以出其七分循石絃而南行一分半而奉聖院折而微東以入於郭村又一分濩石橋下以入晉祠村又支者爲半分東南以入於陸堡河其正東以入於賢輔等鄉者特七分之四其三分循石絃而北通聖母池轉驛廳左以入於太原故城由故城至郭村凡水之所行二鄉五村民悉附水爲溝澍而引之漫然於塍隴間各有先後無不周者已而皆會於汾河其溉田以稻數計之得二百二十一夫餘七十畝台前爲三百

三十四夫五十九畝三分有奇礪磴之具鱗次而動以屋計之得一十二區於是晉水之利無復有遺君名知白故相國文惠公之孫嘉祐八年二月初五日記

明冀甯道蘇水利禁例晉祠水源分爲四渠今以十分計之南渠一分有半澆地南至聚園頭而止中渠一分澆地東南至東莊營而止陸堡河渠半分澆地東至大寺村而止北七分澆地北過縣城之北至董茹村而止王府與民間分日用水二月均出夫役疏濬渠道三月初一日同時起程放澆只以北渠言之每年三月初一日先澆晉府地一日畢初二日澆甯化府地二日至初三日畢初四日方澆本縣民地三日至六日畢初七日又澆晉府地輪流如前週而復始俗名軍三民三各輪

三日晝夜相兼至宏治間北渠渠長將民間夜水獻於
晉府至今民地止得日間用水以致水少不能遍及董
茹等村又縣北與縣南水甲八程止存二程遂起賣水
買水之弊賣水者惟彼得買之從此遂有無水之田買
水者惟彼得用之從此遂有無地之水今分爲二十二
節明立疆界每地十畝出夫三名每夫三十名統以水
甲一名是爲一程凡一名該澆地畝只在一節之中不
得越過數畝數里俟縣南水甲十程澆遍然後放水一
程與縣北水甲週而復始永爲定規惟有地者則有水
無地則不得用有水者卽出夫無夫則不得用

喬宇晉祠記泉溢泛爲溪北折而東瀾漫盈決渠穿滄
引條經井絡用溉田疇方四十里晉陽之民稻梁而食

者皆襲其利號為膏腴

縣東南洞過河五渠溉八村田

邵村渠灌本村田自榆次谷村取水

舊通志諸村取水溉西賈諸村

白馬渠灌辛村田一百二十頃自榆次馬村取水

榆次縣志明正

德十年民牛志春等所開

常安渠灌北格及徐溝張花二村田自榆次北胡喬取水

與榆次郝村同分水程詳下榆次縣志舊通志諸村取水並溉花塔村晉水小開管決水勒石視例分水

三村渠灌西賈邵村及榆次小張義田自榆次西長壽取

水榆次縣志在縣西南馬村地界乾隆四十七年小張義村人牛似龍等奉農中丞命與邵村西賈夥開拈定水

程每月一週各十日先小張義次邵村次西賈

橫河二渠灌本村地自榆次楊村渠及張慶渠接水

楊村渠灌橫河村地四頃五十畝張慶渠灌橫河村地十四頃並於乾隆十一年入例

其濁水資溉者縣西有牛家口渠縣東有澗河南渠

太原縣志柳子峪天龍山泉山水經下舍村合流沙河一道灌牛家口村地畝

榆次縣志秋村渠康熙四年開自村東引澗河水其南渠溉太原市莊田十頃

舊渠汾河有仁義晉汾西賈賈家寨四渠晉水有東城晉渠洞過河有永康渠口澗河有溫莊渠並廢

唐志太原井苦不可食貞觀中長史李勣架汾引晉水入東城以甘民食謂之晉渠

太原縣志仁義渠晉汾渠西賈渠壅塞多年通志府志新開渠內有賈家寨渠一道嘉節村取水溉本村一條

雍正九年縣志無之

案通志明知縣開新渠凡十九道與今汾東諸渠名異實同惟此

條無通志洞過四渠皆在太原縣自永康鎮等村引河

水分灌劉家堡十五村亦與舊志不合舊志止有三渠

案合橫河渠計之仍爲四渠惟無自永康鎮引水者灌地亦不及十五村則今昔水道不同也

榆次縣志澗河西榮渠在縣北明萬曆二十五年開灌

西榮及太原溫莊王名地今廢

河隄汾河壩在西寨村石閘在古寨村沙河堰在風峪口其

古隄在東城隍及舊城基者並廢

新唐書馬燧爲河東節度念晉陽王業所基宜固險以示

敵乃引晉水架汾而屬之城濬爲東隍省守陴萬人又墾

汾環城樹以固隄

宋韓絳崇聖寺碑熙寧初汾水溢寺宇有淤毀者元豐

己未歲卽其舊基外築防以圍之預護水患

太原縣志汾河壩堰在西寨村西北乾隆戊辰邑令梁卿雲築嘉慶戊辰增修新堰石閘二在古寨村西風峪沙河以防汾水倒衝乾隆三十年二月建沙堰在風峪口先年築以障風峪暴水明成化間頽壞正德七年王恭襄公勸率官民修築嘉靖七年復壞公復倡修二十一年復壞主簿王儒累石嵌灰長二百餘步

國朝乾隆初年北截衝毀八十五丈十七年南截衝毀四十五丈至四十一年巡撫覺羅巴飭藩司黃委員勘覆於七月興工修築高二丈厚五尺砌以灰石自峪口起北抵羅城關東至大柳樹挑濬一千六百餘丈濶五丈深五尺又自大柳樹至汾河用價新置地五十八畝有奇接挑一千一百餘丈深一丈十月工竣而城北等村

永免衝突之患矣

榆次縣

縣南洞過河渠二十三道溉五十五村田

萬春渠起縣東少南三里許元至正二十二年民劉時敏等所開引洞過水自白家莊西流上爲大渠一下分小渠三灌李村邱家小堡今近城村郝家堡今郭堡榮村高村韓村小趙西榮四營六堡地凡一百二十餘頃明成化間淤去治十一年渠長郭志端劉文質乃於渠北一里許別穿渠是爲官甲口渠諸村以次輪灌後郭家堡爭水利李村人復疏白家渠口以復萬春之舊然所灌止本村與邱家堡自是萬春官甲分爲兩大渠若其使水成例則一云今灌地五十餘頃

官甲口渠在縣東少南二里許渠初灌李村邱家堡郭家
堡榮村高村韓村小趙西榮四營六堡諸村地自李村復
開萬春渠而官甲渠止灌四營七村地二百六十餘頃四營者東營西營南營中營皆明晉王屯地今總名上營村萬厯三十二年知縣史記事
定四營水程四十年知縣趙昌運又因各渠爭水爲定程
例每年至三月二十一起本渠四營用水九日畢七村
用水八日張慶等渠照地用水十三日訖自後每月四營
用水四日半七村用水十二日半七渠用水十三日夏秋
皆然著爲定例後小東關渠王村橙槽渠相繼入例萬春
官甲二渠勢居上流村多地廣定水一十七程以下王村
四程楊村一程半張慶四程永康一程半慎武一程半懷
仁一程半王郝一程半小東關一程半每年三月二十一

日子時起程以三十四日爲一週乾隆五年中郝渠重開積使水一程半更期三月二十日起程以三夏至後渾水漲發任各渠修築不分十五日半爲一週

程限
小東關渠在縣東南三里明萬厯十七年民李汴等開灌地十五頃

中郝渠在縣東南七里乾隆五年民郝覺等因明舊渠重

開灌中郝東郝地二十頃

明舊渠萬厯十四年民桑菲同久於方重開時萬春渠長繞之

致訟知縣錢標令十渠灌畢三十四日之後中郝渠使水一程半夏秋之間渾水亦得分用霜降使水二程

王村渠在縣東少南三里元至正二年民范履道開灌本

村及張趙村橙槽渠地三十九頃九十二畝

本渠使水一程半橙槽渠

時亦在本渠內使水二程半橙槽渠作於明嘉靖間天啟中重修

楊村渠在縣南八里明萬厯元年民張廷益等開灌本村

及南谷寇村郝莊王家堡黑馬營甯家營地一百二十四頃灌舉入太原橫河渠

張慶渠在縣南八里元至正十二年民張旺等開灌本村及大小張義村甯家營東賈村地一百九十頃及太原橫河村地

永康渠在縣南八里元中統二年民郝信等開灌地一百頃有奇

演武渠在縣西南十二里元中統元年民李公林等開灌地三十餘頃

懷仁渠在縣西南十二里元中統元年民王可道等開灌本村及西長壽地三十五頃懷仁與演武二渠各使水一程半明時晉藩有桑宅地在演武界中凡使水必先灌此地後及二渠國朝雍正七年懷仁村人以現在已屬民地其演武村不得仍入舊例

致水不均之官知縣鄒雙斷以時日為限演武使水為
時二十一計不得滿二日懷仁使水為時十五計一日除
刻斷限於石乾隆壬寅貢生胡光地等因渠路經演武村
中每多壅塞遂與西長壽村人於演武村南別開新渠水
程依舊

王郝渠在縣西南十五里金皇統元年民郝守道開灌地
二十頃以上九渠水程並見官甲口渠下

西長壽渠在縣西南十五里乾隆十年民彭基等新開灌
地一十六頃接水自演武村南有河租

陳胡渠在縣西南十五里西長壽地界雍正九年民張漢
宰因舊渠重開灌本村及遼村白村地凡六十頃有奇縣志

舊志有陳胡渠元中統間民王文郁開然非此渠本村人
以此為陳胡南渠亦開於中統四年渠久廢舊志亦未載

六善渠在縣西南十五里西長壽地界雍正八年知縣石
鑑重開陳胡渠更今名灌述巴北胡喬胡喬營西胡喬及

徐溝縣之王方村靳村良隆村地凡百餘頃

縣志此即舊志之陳胡渠

也康熙五十年河漲渠壞雍正中重開其引水絕遠悉西長壽陳侃褚村陳胡方至六村地

弓村渠在縣西南二十里乾隆年開

郝村嘉平渠在縣西南二十五里史家莊城界乾隆十年

因舊渠重開灌本村地十餘頃

西河堡渠在縣西南三十餘里明嘉靖四十年民范廷佑

郝天濟所開在弓村西引水由永康鎮經過入本堡灌地

三十餘頃後因去河遠難於接水重開自馬村地界引水

今灌地七十餘頃

舊通志與胡喬渠並引小涂水

常安渠在縣西南三十里北胡喬界雍正八年開灌郝村

及太原北格諸村

縣志渠開於明洪武八年起郝村久而萬曆十二年郝村人與太原之北格

協力重開分程灌地後通塞不常雍正八年郝村人獨灌之而張花北格兩村爭水利十二年立水程令郝村張花

各使水十一日北格使水入日每月一遇雨於王都村南
引水後河流遷徙八年民人移謹丁宏澤等重開於北胡
南

義和渠在縣西南三十里西胡喬村咸豐五年霍常貴等

開

永春渠在縣東南三十里長甯村元至正二年民范濫等

開灌東西長甯八達三村地三十餘頃共渠四道後三道

開於明嘉靖中舊通志渠與中郝王村楊村演武張慶永

案大涂水自縣東南來至縣東十五里與洞過台長甯八

達並傍涂水其說自確若中郝諸渠則與萬春官甲兩大

渠同分洞過河水程者不得混為一然大小涂與洞過土人同稱為小河並其上源亦無別也

上戈渠在縣東十八里明萬曆三十二年民胡鸞等開灌

上戈東趙地七頃四十六畝案此渠及永春並在縣東故類次於末

小張義三村渠及辛村渠並在縣西南二十里馬村地界

已詳太原縣

其濁水資溉者縣南有金水河五渠溉七村田象峪水牛院水杜堡溝水長壽溝水圪塔溝水各有渠溉十三村田

東陽渠在縣東陽鎮渠口在任村引金水河分南北中三

渠明萬厯四十五年知縣劉似鼐開渠為金水河上流第一道接水於東南越

郭訓彭村丁里引水而西十餘里始至東陽地高渠下非築堰隔河截流入渠不能使水康熙九年西陽因濬渠與

王都村爭訟不息官斷水程立石惟東陽渠許截流引灌餘不得一例云

西陽渠在郭訓村南康熙九年民杜應昇等因舊渠重開

灌西陽地四頃有奇西白村地三十頃有奇渠開於明萬

後於舊有舊村分灌水程今無

王都渠在東陽堡北明萬厯三十三年民王天雲等開灌

地六十餘頃舊引河過水灌陳胡遂村等六村地其水遇金水渠而後可至應灌之地如一水獨發則

塞一渠口使不相礙今洞過水渠已淤絕所灌者惟金水
後六村中各別開渠惟陳胡與王都仍故渠今又無陳胡
水程渠獨
屬王都云

要村渠在東陽堡北明嘉靖四十年民楊文卿等開灌要
村田三十餘頃巴述村田十餘頃

德音渠在東陽堡北明萬曆二十六年民楊廷仁等開灌

本村地二十八頃

以上並金水河渠
河由太谷石畝村來

案

齊人奇東陽鎮河渠碑榆西南東陽鎮距縣三十里而
遙戶以千計金水河自射母來東注離鎮僅數百武從
高突下迅若建瓴壁隄崩陷約三十丈歲丙辰劉侯似
鼇經丁里上下改淪而南穿濬成渠溉田數十頃

公順渠在南莊村咸豐元年里人呂萬成武文德等因舊
渠壅塞移步復開引象峪水灌地四十餘頃

舊通志名順
道渠溉地二

頃五十六畝有奇

南要渠在縣西南十五里明萬曆十年民常彥辰等開引牛院水分渠二道上渠灌北要下渠則北要郭村兼之共地五頃

雙村渠在縣南十八里萬曆三十一年民趙唐等開引杜堡溝水一名牛耕渠分南北二道南渠灌本村及小趙王香等地共二十五頃北渠灌本村及南要修文地共三十餘頃

舊通志水出縣境黃彩村

東長壽渠在縣西南十五里萬曆十四年民李定等開通志東長壽村東有牛院水民初不知引溉知縣李光祖論民李定等開灌田十餘頃遂成沃壤縣志云舊謂引牛院水者誤南要渠引牛院水在北長壽渠在南絕不相通渠口有溝東達雙村之南舊有泉今涸

圪塔溝渠在縣南由太谷大郭村分溉神堂溝田家村及

太谷西卜村魏業聖許諸村田

此溝無源起縣之西窪村

分渠以為灌漑次為西卜村東渠又次為西卜村西渠神堂溝渠業田家故西而下又分為聖許村之南北兩渠每旬上五日大郭等村灌下五日魏業等村灌

縣北有澗河九渠溉十三村田寺峪水四渠東沙溝世佛溝河口輒井各一渠溉八村田

聶店渠在村北明宣德七年民胡敦等開今謂之中渠灌本村地四頃五十畝又有上下二渠並萬曆三十八年民寇樸等開各灌地二頃

使趙渠即聶村渠在聶店西北元至正二年民間子雲開故又名閻家渠引澗河自聶村西流天雄胡村諸溝水並入渠灌聶村地二十餘頃

縣志明嘉靖間聶村使趙二村爭水利民同福興至訟於朝渠遂塞萬曆二十六年知縣張鶴騰令使趙村復開為聶村別開一渠上此渠數十步後使趙不樂與聶村別開乃開

洪水上渠此渠迷爲聶村所有又云前志於使趙渠下注
今仍爲聶村渠於聶村渠下注萬歷二十六年別開今廢
然考萬歷年河碑並無別開一渠之說意二村與訟時
張公斷案若斯適修縣志照案載入後來實未遵也
洪水上渠在聶村北明萬歷二十八年民齊公志于宗道
趙國寶等開灌聶村田村使趙村地三十餘頃

洪水下渠在上渠西二里萬歷二十八年民馬廷貴王崇
信等開灌使趙侯方地四十頃

張家洪水渠在鳴謙東三里許康熙四十年武生張元宗
開引澗河灌地三頃有奇渠北數步先有清水渠順治中
武舉張和開引河旁泉水亦灌此地

使張渠在使張村東北渠有二東渠灌地十五頃西渠灌
地十八頃村先有西渠後塞萬歷三十二年民李春等乃
開東渠國朝康熙十九年生員賈世讓復疎

渠西

鳴李渠在鳴李村東北明洪武二年民劉廷儀等開舊灌地六頃今灌鳴李楊盤六堡三村地三十餘頃又有西渠宏治年開久淤萬曆二十五年邑人楚雄府知府張澤等復開灌鳴李村地五頃

秋村渠在村東南康熙四年民李乘等開引澗河灌地十七頃又有秋村南渠灌地五頃及太原市莊地十頃

楊盤渠在村東北明洪武二年民段世安等開灌地四頃今以此渠爲小東渠其西渠灌地六頃明萬曆三十年開以上九渠並引澗河水

人歡渠在小峪口南三里康熙二十三年民陶洪等開引寺峪水灌流村地三十頃後湮塞乾隆十五年民李威等復開

天順渠在中社村南康熙五十九年民白采等開引寺峪水灌地五頃八十四畝

仁義渠在鳴謙西北乾隆四年民侯維等開引寺峪水灌地二頃有奇

靈濟渠在王社村西北雍正九年民賀瑛等開引東溝水灌地六頃有奇

清水渠在中社村東南引世佛溝水分二十四程輪灌地畝

河口渠在縣西北三十里甄井村北引山水灌地一頃二十畝

甄井渠在村北明萬厯三十二年民張杰等開頭渠灌地一頃二十畝二渠灌地二頃三十畝舊爲一大渠下分十小渠灌地二十一頃

今惟存頭二兩
渠餘皆無迹

舊通志諸渠分定成規渠長經理無爭截紊越

榆次縣志唐貞觀時孫湛爲令始渠洞過教民灌田至
宋桑安世復引澗河於是縣多受灌溉然所謂唐渠宋
渠皆久不得而識最古者惟王郝渠開自金皇統初若
元明之時穿渠尤衆而水有清水渾水之分使水有限
時程日之例至其爲例渠各不同而澗河所引與洞過
諸渠南北旣分其例尤別善乎儲鉢之言曰宜各渠定
爲經制核其田畝均其夫役公其水程仍擇人經理毋
受賂私鬻刻期挑濬毋曠日費財序次輪灌毋恃強奪
利啟閉以時毋淤塞累衆登報以實毋影占偷奸誠如
是則法制一立爭鬭息而訟獄省張鶴騰之言曰渠有

上下田有遠近勻水澍霖誰不紛然待命必先上渠數
覆方及下流至則苗稿矣孰若一上一下遞後遞先陽
年先上而沿下陰年先下而溯上庶灌溉均而無不公
之歎是二說者或得經常之道或得變通之宜惟心存
利物者斟酌其善擇而行之

舊渠洞過河有永康支渠西河堡渠南要支渠北胡喬渠金
水河有車輶渠白村渠北席渠澗河有西榮渠寺峪水有沙
渠秋村渠小峪口渠沙河有沙溝村渠又縣南有洪水渠並
廢

榆次縣志永康舊渠明萬曆三十二年民張第等開灌
弓村地二十六頃卽永康老渠所分今廢西河堡新渠
明萬曆三十五年知縣王應楫開灌本村地三十餘頃

今廢南要新渠明萬曆三十二年民郭珍等開灌本都

郭村地十五頃今廢舊通志南要渠達近几十里北胡喬渠明萬曆

二十六年民賈弼等開灌本村及陳胡地十餘頃今廢

舊通志此渠引小涂水金水河凡九渠五渠外有車輞南北渠南

渠萬曆二十一年民劉思元等開北渠同時民王立等

開白村渠康熙九年民郭廷良等開北席渠亦九年民

石尙立開今並廢舊通志車輞村南北二渠既田三十八頃九十四畝有奇澗河西

榮渠在縣西二十里明萬曆二十五年民褚恩等開灌

本村及太原溫莊王名地今廢舊通志共溉四十五頃沙渠舊志

在縣西北二十里明嘉靖年民劉廷卿等開引金水河

灌地按金水在縣西南此金水誤或作清水卽寺峪水

也今不可考秋村渠在村東南舊志明萬曆三十二年

民李銳等開引寺峪水灌地後廢小峪口渠在村南三里萬厯三十二年民王朝相等開引寺峪水灌地一頃三十畝後爲山水漲湮及鄰村歲築沙堰蔽其口遂廢今引灌小渠皆沿河開濬不紀其數沙河渠舊志山水灌中社都地五十餘畝萬厯三十二年民張天祐等開沙溝村渠舊志謂引沙河灌地八頃萬厯三十二年民楊志德等開以上二渠無考今中社村南有長港渠五十畝渠俱引東溝水東溝疑卽沙河

舊通志洪水渠水由和順山來乃山水漲發者沙溝北趙南合流村共溉地九頃三十畝有奇

河隄洞過河有清宴隄嘉平隄豐樂隄演武隄懷仁隄西長壽隄王郝隄史家莊二隄並在縣南

榆次縣志清宴隄在王村北接官道南接四渠口西至
官道止乾隆十二年里民建嘉平隄在郝村南乾隆十
四年里民建東起嘉平渠口沿渠爲隄西接太原張花
村地界豐樂隄在弓村馬村地乾隆十二年民蕭良璧
等建東接王郝隄西南至辛村渠口止濱武村捍水隄
明萬厯年建東起小官橋西接懷仁隄乾隆十五年增
修懷仁村捍水隄萬厯九年民王廷美等所建道光中
胡百里重築西長壽村捍水隄乾隆十五年因明舊基
重建道光中修王郝村捍水隄亦明建後圯於水失其
故蹟乾隆十五年里民復建起泰山廟東西接豐樂隄
史家莊捍水隄二東疇九曲隄乾隆四十七年築咸豐
元年史五典史瑗重修西疇九渠隄史貽穀等築同治

二年史琬等增修

太谷縣

縣東南耐泉二渠溉田十一頃有奇

侯城渠在縣東南十五里溉田十頃有奇白斗渠在侯城北溉田一頃

太谷縣志耐泉出厚嵐山東麓明萬厯間壅涸知縣喬允升督民開濬於聖母池東西闢二總渠支分派別立渠甲十二輪流使水灌田凡四十八日而周今村民猶謹守其規則云

其濁水資溉者縣東北有烏馬河十九渠象峪河十四渠圪塔河二渠縣南有咸陽河十一渠奄峪河二渠馬鳴王河四渠豬峪河二渠八卦河一渠共溉五十餘村田

烏馬河出縣東南回馬峪城東北諸村設渠引水有水秀
渠四道買家堡渠二道新渠一道落母渠禿尾渠各二道
楊宋渠郭家堡渠懷遠渠少林渠教坊渠七里渠各一道
舊志城北胡村里居民千室明時鑿渠引烏馬河由桑子
村上流而下距村十里渠甲規則有萬歷十一年割而桑
子村人時刻堰奪水國朝雍正元年知縣司馬顏文為
出示嚴禁撓越後復令胡村築官堰建永定橋又合兩村
民建並濟橋爭始息

象峪河出榆社經縣境流入徐溝城東諸村設渠引水有
小常樂渠五道胡村堡渠四道東蘆渠西蘆渠楊董渠智
濟渠郭村渠各一道

圪塔河出麻季溝自大郭村經榆次境復流入縣為西薄
渠明萬厯間築溉大郭村及西薄魏岳許村地水程詳前
榆次縣
康熙初榆次北田等村
築堰經巡撫楊批禁

咸陽峪河出縣南流合烏馬河城南諸村設渠引水有沙河渠二道胡家莊渠二道賀家堡杜家莊曹莊程家莊貫家堡龐村各渠一道

奄峪河出縣東南由峪口接水有石象渠王惠莊渠

馬鳴王峪河出城南由峪口接水有桃園堡渠二道侯城村渠二道

豬峪河出縣西南由峪口接水有豬峪口渠白城村渠
四卦河出縣南東峪口河渠在陽邑二里

舊通志奄峪等河冬春恒涸夏秋暴雨時至東南山水倏四溢濱河沃壤盡爲沙石知縣喬允升於諸河口凡可以引導者自上逮下諭民挑渠築堰旱乾則待之水
流則循其渠道注之卽引以溉田

太谷縣志邑溉田惟恃山水唐宋以前溝洫之制不得聞矣元時多水患每逢夏秋淫潦城南諸村盡成巨浸積三十餘年縣尹劉約禮經營相度浚蒲池之填閼障奄谷之橫波使鹹鹵沙石之區盡成五沃明萬厯間耐泉壅塞知縣喬允升興工開濬溉侯城白斗諸地

國朝順治中知縣郝應第創開水門以疏積潦西北農田咸業其利之三公者功德在民家戶而戶祝也

元曹大濬開河碑太谷縣東南有惠安之蒲池一所在西莊北沾泥口向西大塔石近南以十分爲率惠安與王誨莊二八使水惠安例使八分王誨莊例二分其餘社分並無水利值大雨河漲不定自上而下溉田例數年來水勢不常渠道壅塞橫流西去漂沒侯城地數十

餘頃衝突太谷城池三十餘年縣尹劉約禮親詣奄谷
口料量高下規措夫七百餘名委理問李克宏經始於
三月三日開惠安獲利之渠塞太谷侯城爲害之處不
逾旬工畢

祁縣

縣西汾河渠一道自文水來溉二村田

利朝渠在縣西二十里文水縣界引汾水自文水之雲州
村溉西韓西建安二村田及文水之原東都五村地畝水程
詳下文水縣案汾河自文水縣東經縣西界五里外

縣東侯甲水二十二渠溉六十村田

紫紅渠東南三十里上渠自石佛崖南流經紫紅鎮分溉
鎮東西田中渠分自上渠流紫紅鎮外溉正北田下渠自

石佛崖北流溉紫紅鎮及洛陽東南二十五里郃北田

魯村渠自紫紅引溉魯村田

龍濟渠自澗壑村北引溉東南十五里大韓東南十里小

韓東南八里溫曲祁城申村東南二里三及張名下申郭

村城南西關西南七里九角村田

七村外小韓張名三及南關分餘水

官渠自東北二十里河灣村引溉東十里西六支東北七

里王村東北三里會善豐澤三及城南等村及西關廂田

斜渠自河灣引溉西六支東北七里秦王高王村田

沙渠自西六支引溉東十里劉家堡高村田

小沙渠自劉家堡北引溉高秦會善豐澤四村田

大東渠自東十五里東六支小東渠引溉東六支村東北

二十里大賈高家堡瓦屋等五村田

胡帳渠自東十五里東六支引漑小賈姜家堡長頭三村田

范公渠自東十五里東六支引漑東北三十里姜家堡范公都戴家堡三村田

北左渠自東十五里東六支引漑東北三十里左東左西北左等三村田

賈令渠北十五里自沙堡村引漑賈令鎮及豐澤西北十里豐戶等村田

南左渠自東六支引漑北十五里東陽羽南左田

新盛渠引自紫紅厯洛陽漑東南二十五里梁村澗整元臺溝三村田

公利渠自東南二十里東澗村東南引漑東南二十五里

王喬武鄉河灣東六支永安東十五里東管西管村田

均利渠自河灣村南引溉河灣南社東十里梁家堡祁城

三及東門外城內會善村田

溫三渠自東六支引溉大賈村瓦屋村田

沙堡渠溉東北四十里沙堡村田

修善渠自東十里劉家堡引水經塔寺高村秦村豐澤等

處入灌本村田

豐固渠引水經劉家堡溉本村田

渠開自萬曆二十六年

西陽羽渠引水自河灣村至劉家堡賈令鎮南灌西陽羽

賈令等村田

渠開於萬曆二十五年

塔寺谷戀村小渠在二村間引水灌塔寺村以至谷戀村

北邊地盡而止

舊通志二村在北左渠下谷戀從俗作閭圖

大東渠在谷戀村東門外自東六支引水經馬家堡灌谷

戀村村北地盡而止順治四年開

青布古渠五道中一渠引水灌東西營西高家堡三村田

舊通志西營渠
溉東西營地

舊通志胡甲水自縣南至北又至西源出武鄉經縣境

名昌源河溉六支等都至賈令鎮南諸村田案舊志所列渠共二十道與縣志不合由渠道時有變遷諸村分併不常也

茲州錄之子洪渠溉子洪鎮鄧北村地洛陽渠溉

洛陽村地梁村渠溉梁村元召溝澗壑村地

渠溉大韓溫曲村南社梁家堡支會善村豐澤村東

會善村三台地官渠溉西六村王村高村地

門外西關廟地斜渠溉東六支高家堡大賈村

溉高村劉家堡地大東渠溉東六支高家堡大賈村

小賈村瓦屋村地溫三渠溉大賈村小賈村

地左范公渠溉左東公村塔寺村左東渠溉左東渠

北寺村東陽羽南左村地沙堡渠溉沙堡村

塔寺村東陽羽南左村地沙堡渠溉沙堡村

令渠溉賈令鎮地 西陽羽渠溉西陽羽地 西營渠
溉東西營地 豐固渠溉豐固村地 長頭渠溉長頭
村小賈村地 公利渠始疏濬

明間繩芳鎮河樓記東南麓臺上下幘諸山正德前樹
木叢茂民寡薪採山之諸泉滙而爲盤陀水流而爲昌
源河長波澍湃由六支豐澤等村經上段都而入於汾
雖六七月大雨時行爲木石所蘊放流故道終歲未見
其徒且竭焉以故由來遠鎮迄縣北諸村咸濟支渠溉
田數千頃祁以此豐富嘉靖初元民競爲居室南山之
木採無虛歲而土人且利山之濯濯墾以爲田尋株尺
葉必剗削無遺天若暴雨水無所礙朝落於南山而夕
卽達於平壤延漲衝決流無定所屢徙於賈令南北而
祁之豐富減於前之什七矣

通光水七渠溉八村田又有昭餘池亦溉田

南梁渠上渠自馮家峪村引水下渠自南梁溝引水溉二村田

峪口村下渠自村南引水灌本村田

南渠下下渠自南梁村東南引水灌天衢村田

龍丈渠自魯村東北引水灌南園柏村澗村堡子村三村田

黃劉村一名公濟渠引胡溪水灌張莊東邊田

尙家渠引胡溪水灌張莊西邊田

舊通志通光水在祁縣東南四十里胡城谷中北流

田又名胡城水

縣志水源出東南嶺山北上莊東南溝中流出谷口益以太谷縣胡城谷水北

流經縣東東管諸村名胡溪昭餘池在縣東南七里祁河至西北合昌源河入汾

城村世遠涸鹵元至元十二年里民鑿得細水爲昭餘池歲溉民田及浸墜下樹木

徐溝縣

縣西汾河渠一道溉河東三村田清源鄉汾河渠四道河東西各二渠溉七村田

復興渠在縣西十五里郝村由太原草寨村引汾河灌郝村吳家堡龍家營地二十頃有奇

廣濟渠明洪武七年開自太原姚邵諸村南引汾水溉太原之吳家堡及清源之南北雲支村地

永泰渠乾隆八年東穆家莊等村創開由村西養鵝池引汾水下灌鄉之柳灣羅白鵝池諸村地至柳灣村北大渠東南二道接各村小渠小雪前三日合堰清明後三日決

堰下與交城文水平遙所屬汾河三堰分水程六十日
洪濟渠創始未詳由鄉東孔村南汾河西岸取水經青堆
杜村新堡諸村以次灌田下流至平遙界

開秦渠舊名霖田渠由高家堡長頭村界汾河西岸取水
屢開屢塞咸豐十年陳家莊羅家莊西穆家莊東西留村
牛家寨吳村閻村八村民復開濬溉田三十餘頃

縣北洞過河十三渠溉十九村田

嘉平渠在縣東北卽榆次之六善渠下流也入縣境溉良
隆王房斬村莊子營莊子村三遼西五村地

詳前榆次縣

郭化渠在縣西十里王荅村乾隆十三年開河東有張花
營及太原南格村渠口河西爲王荅同戈南綠樹三渠口
其大渠至王荅東北分爲南北二渠凡趙家堡馬家堡黑

城營及北綠樹之渠皆其支分也所灌之地計四百餘頃
案洞過渠道以嘉平郭化二渠爲綱餘渠大半爲所支分

德盛渠在城北十里趙家堡由敦化渠接水溉本堡及北綠樹田

永合渠在縣西黑城村乾隆四十五年開自王荅村接水
光緒元年河徙渠壅僅灌地六頃有奇

通順渠在馬家莊北引敦化渠水溉地若干畝

蹤馬渠在黑城營引北關嘉平渠王荅敦化渠水灌地二十餘頃

仁濟渠在南尹村北灌本村地數十頃又有南新渠引嘉平敦化渠灌大小官地范家灣地若干畝

永興渠在同戈村灌同戈村地數十頃南綠樹村地二十

九頃

舊志由太原桃園堡取水經劉村下至南白樹止南白樹即南緣樹村也

仁義渠在武家莊又有南北兩渠接嘉平之尾共灌地二十餘頃

仁義新渠在董家營道光中開買接劉村同戈綠樹村嘉平渠水灌地二十餘頃

大寨渠在縣西七里大寨村村南北各二渠又有大東渠並引洞過水灌田三十餘頃

興營渠在張花營東南溉村東田

案縣內濱洞過之村惟張花營獨在河北舊有

沙河渠及常安渠未知即興營渠否也常安渠詳見前榆次縣下

徐溝縣志洞過河至榆次合涂水下流於太原之北格等村西注於汾昔之古道也今也改移於縣城之北由榆次永康鎮順流於良隆遼西同戈諸村而入清源鄉

地矣

其泉水資溉者平泉渠溉田四頃梁泉水港溉田二頃有奇並在清源鄉

平泉卽清源水也在鄉北五里平泉北營兩村輪流使水十一日內各分水程五日餘一日爲城內羅氏用灌稻地可四百畝

梁泉水港在縣西十里梁泉村源出西山廢窖由地中鑿道爲暗港至出口處約二里可灌田二百餘畝

濁水資溉者縣有象峪河十四渠溉十五村田內兼引金水河者三渠又南界有沙河一渠溉二村田

玉順渠在縣東大常鎮道光十六年開灌村東地十餘頃村西有三社渠灌地七頃有奇又有和順渠並引象峪河

水其金河水自榆次西范村渠入境村東二社引以溉田
思普渠在縣東十五里西賈村南有東西二渠

東賈渠在東賈村北

德勝渠在縣東南十五里溫李青村

天順渠在戴李青村

楊李青渠在村東渠道南至太谷之胡村北至楚王村

太清太平二渠

淵澄渠長澤渠在縣南官道灌近城地二十一頃

懷遠渠在縣南懷遠村南渠灌地八頃北渠灌地七頃

高花和尚二渠在桃花營灌田三四頃

新興渠在里王村灌地十頃有奇又村北一渠自桃花營

引水灌地七八頃

以上並引象峪水

萬安渠灌縣東近城地引象峪金水二河徐溝縣志萬安河取水半係榆次太谷縣境大常鎮東西賈村東楚王村入史家社莊出又由史家社左右子渠與二河張發直抵城根三十年後漫塌城垣四十九年修隄捍之五十一城東一帶發斷道至城下乃挑築國老舊堰自此水勢始分城東一照舊復灌因名為萬安云云案此則渠為金象二水所匯城東諸渠之綱也

仁義渠在縣西由縣門外接象峪金水灌南尹村豐潤村地

南官渠在郃村北

天順渠在北尹村引象峪金水溉本村田渠道亦通洞過河以上渠引金河水

沙渠在懷遠村由村東清德鋪引水又高花村有沙河渠可灌田十餘頃縣志不詳水源案二村在象峪馬河二河間所謂沙河或即烏馬河據志清德鋪本

有烏馬河
舊渠也

徐溝縣志象峪河出和順縣恤張嶺距徐溝百八十里
流經太谷城入縣南十里清源界明萬厯九年南尹鄉
民挑渠移縣南五里至乾隆二十四年秋水漲發出太
谷南席村改流於榆次之西范村南莊村而入縣東太
常鎮之南次及西賈村史家社以至南門外下流入清
源界河春涸秋漲損益居半居民至今加意隄防焉金
水河出太谷大塔山下流經榆次劉家寨渠接入縣境
大常鎮東二社之渠以至集義村漫流於縣城之東南
隅舊志土沙水嫌今不然矣夏秋水漲大小不定沿河
民田無受患者

鄉有白石河及西山諸水七渠溉八村田烏馬河一渠溉二

村田

湧泰渠在鄉城南三里許咸豐九年西留村開

禾順渠在西范家莊光緒元年開

二夫渠在紫家寨距鄉城西南十里引白石南河水村西北又有小渠屠谷水流注於此

牛寨渠與紫家渠接

油房堡渠在鄉西南十三里接牛寨渠又承雜魚河水南流經賈兆村

賈兆渠在鄉西南十七里接油房堡渠水又雜魚高白諸

水下經王明寨

王明寨在鄉西南二十五里西北山水從居谷蜿蜒而來達交城界廣惠渠繞地王

明寨即借此渠高白渠在城西南

救荒渠順治十八年開自鄉城西南梁泉鋪起西至水屯

營接梁泉甘河屠谷雜魚河鵝塘水以防漫溢官道折而
南入賈兆諸渠出境

穆太村渠在鄉東小武村北孟封村東引烏馬河灌田孟封

村進南即河
入汾處也

舊渠汾河縣有古宦官渠鄉有廣惠潤順養濟通濟永豐永
濟六渠並廢洞通河有廣潤禿尾天順三渠象峪河有盛靈
廣順德潤德澤天順公順六渠烏馬河有德清一渠並廢其
在鄉者烏馬河有飲馬渠亦廢白石河有天順渠源濟渠又
有灌稼分水二渠今存故蹟

徐溝縣志南尹村西有古宦官渠係由省西門外接汾
河之渠今廢舊志云廣闊渠引洞過水由縣北官道經
流灌縣西南地禿尾渠引洞過水灌北門外田地劉村

渠卽禿尾渠因村爲名灌北關官渠上下子渠一帶地
畝志云嘉平渠明嘉靖年間奉旨開設乃同過河第
粟入道泥渠也上至長壽村下至武家莊並無一粒租
述巴東西胡喬等村即在榆次東長壽村引水經過陳胡
遼西村縣城北等處地畝至明末壅塞蹟迹僅存
朝康熙四年北關廂同北街挑濬後又塌斷今在胡喬
村西北引水始與遼西村分爲兩口城關出橙橋村南
貢隆村南莊子替村北到縣城東分爲三渠首一渠名
官渠第二渠名門渠第三渠名子渠漸村良隆村一帶地
畝至康熙五年莊子村莊子營漸村良隆村入例
 王村北有天順渠受水於榆次東長壽村近年渠廢水
 不至故也大常鎮東社舊有盛靈渠由太谷小常村南
 引象峪水經榆次西范村入境今渠廢碑存西關廂舊
 有廣順渠今廢集義村北有天順渠遺跡村南有公順
 渠道跡張楚王村東南有渠名德澤四面俱分子渠今
 河徙渠廢又郃村北有德潤渠亦廢

舊通志史家社承
南渠取象峪水灌

田八頃縣志不詳其清德鋪村三面有渠接烏馬象峪
名無由知其興廢也
二河水灌田五頃餘近年渠廢水不至故也

舊通志大寨村常家莊北尹村南尹村南宜武村南內
道村北內道村懷遠村甯家營社村凡十一村舊無渠
道而地形窪下儼象峪洞過二河漲發水勢所及可溉
地數十頃至縣東東賈村集義村姚家堡小王村縣北
張花營劉村同戈村趙家堡白樹村隆泉堡王答村新
莊村縣西黑石屯南小村縣南桃花營李旺村高花村
凡十七村地形高亢不能引水惟恃雨澤案此二十八
其灌溉不及僅南宜武南北內道社村
姚家堡五村耳地形變遷若此之異
孔天允復修三渠記徐溝縣知縣董潤狀申憲使小竹
楊公曰金水渠田源出自東山西流過榆次縣車輞等

村地勢西南高東北下因失渠道致厥水漫流歲浣雨
縣席白小王靳良龍花李青村田今相度自車輞村東
改挑徑西一渠引溉集義村穿過莊子屯下至武家莊
仍各因勢挑小渠則通流可三十里而高田獲溉下田
免溢一嘉平渠故道自榆次縣胡喬村迤邐而東至徐
之郃村通流殆三十五里後水漲道湮上流霸種下流
莫由挑濬蓋水利不通者三十年矣今相度舊渠壅塞
甚者約七里餘步卽此開通力少功倍一沙河渠故道
上自榆次縣圪塔村經流張花等村屯下至縣之迷家
營東西王答等村連引小河水溉灌不窮後河徙渠
涸風沙漸壅淤塞久矣今相度離故渠二百餘步有民
間退灘薄地四畝卽此開挑當復通流公稱善嘉靖三

十五年二月十五日命率夫興作至四月初五日告成計金水渠通流一十一村溉田一百九十九頃一十二畝嘉平渠通流一十四村溉田一百一十二頃六十八畝沙河渠通流一十村溉田一百一十二頃八十畝清源鄉志廣惠渠係交城文水第二道汾河堰渠渠冊在交渠口由城東孔村取水屢開屢塞湧順渠舊在青堆今廢養濟渠康熙二十一年開東穆家莊合南北雲支引汾水溉田今塞通濟渠舊在東穆家莊今廢永豐渠創始未詳由東穆家莊汾河東岸取水經柳灣南社青堆南北程村時家堡楊家堡諸村及祁縣北左村灌地約三千餘畝暫閉永濟渠創始未詳自太原洛陽村界汾河東岸取水下溉西谷柳灣羅白等村地今塞飲

馬渠在堯城鎮西南今廢

志不詳所引水當是烏馬河

天順渠舊在

吳村今廢源濟渠在城北泰山廟後取白石河水灌北關及城東一帶地約二百餘畝同治十年王秦梁羅四姓創開渠路由西而東又南卽借清水渠以達城東暫廢灌稼渠一名官渠在城東南隅以洩東湖水道光初徐溝知縣鄧移水口於東門左二十年白石水漲挾汾河直從水口例灌入城水口仍移舊址建石閘其渠路向羅家莊范家莊入汾今汾河東徙渠水無所歸浸溢於范家莊舊河身每歲春秋之交城關及五十七村分按尺丈挑濬以洩之分水渠在城東二里許順治十七年知縣和羹創濬使不混灌稼渠故名分水又名清水渠自汾河東徙水南流羅家莊范家莊吳村舊河身不

入汾矣

河隄洞過隄在縣東北諸村象峪隄在縣東南諸村白石隄在清源鄉縣城外舊有護城隄今廢

徐溝縣志劉村靳村並有護村堰以防水患張花營有舊堰長四里龍家營西北有大隄村邊有小堰光緒元年築以上並在洞近側大常鎮有攔渠堰在村南高三丈長

盡界集義村東南有高麻堰及護村護田二堰東楚王村四面築堰同治七年又築新堰溫李青楊李青並有護村古隄以上並在象峪河近側萬厯元年知縣劉選於城外創

築隄堰自社稷壇起至南壇止三十五年南關隄爲象

峪河衝塌知縣柳提芳修復凡百餘丈

舊通志白石堰在清源城西五里白石谷先是霖雨水

輒泛濫衝突城垣洪武二十四年主簿楊克檢申准徐溝交城夫役協力修築東西長二里闊二丈五尺宏治後知縣全進李景先王納謨李茂春邵蒞繼修自是爲歲例勞費滋甚

國朝順治十八年復築長二百八十丈而堰旋頽壞闊至數十丈當城之衝者尤塌毀無遺十六年春山水改道而南由西南流十五里東行入於汾秋水潰溢去城十餘里民獲紓修堰之役者四十餘年後復由縣東北曲流入汾二十二里

清源鄉志白石堰遇河漲城關派夫堵築惟迤西石壩西關獨任之此外南北兩河經流之所北至平泉北營南至西留村界石堰土壩隨圯隨修

交城縣

縣南文峪河渠溉二村田其汾河行西北山中濱河十六村引以溉地畸零無數

甘泉渠在縣南引文峪河溉山內廣步村及峪口廣興鎮田與文水縣諸村依水程分日輪灌

廣興每月分二日夜山內不在此限

舊通志文谷水分溉交城田元初汾陽郭帥專其利而

堰之訟者累歲莫能直交城令覃澄折以理令決水均

其利於民

此即渾谷河也

甘泉石堠二渠胥分派於渾谷河內

甘泉爲上渠經流文水縣峪口鵠鴿山巖下溉縣境在

山廣步西南十里洪安西七里安定等都村民田順流

至城南迤東一帶石堠爲下渠經流文水開柵東南溉

縣境西南五里成村平上都汾西汾東青村等都村民

渠順流可達辛南舊志所謂覃澄決水利民者卽此二

渠也歲久山水時泛漲浸衝塞石堠渠惟存故道

案石堠渠

地屬文水甘泉渠舊爲三都引溉今止二村

山鄉西北汾水由靜樂縣龍尾

頭入境河北厯蘆峪口郝家溝梭谷村會立村羽樹曲

灘上村西曲村火山村至陽曲縣河口出境共袤三十

一里瀕河八村開渠引水溉地山鄉西南汾水由靜樂

縣雁門村入境河南厯鎮石底成家曲陰家溝兩泉村

古交村鐵磨溝至陽曲縣張葉溝出境共袤三十四里

瀕河六村開渠引水溉地輪期分用

舊渠汾河有廣惠渠文峪河有石堠渠又與瓷窰瓦窰二河

分爲支渠今並廢

舊通志交城縣文谷河開三渠引溉諸村田爲利甚溥

又瀕汾河一十三村開渠按期輪溉案三渠謂甘泉石

渠見新渠明萬厯二十二年知縣周璧於城北資審瓦

審二河督令近河民挑濬引水灌田沾水利者二十餘

頃又於平下都辛南東二十里鄭段等都令近河民挑

渠以分水利號新渠十八年知縣張嘉謨以汾河周壁

所鑿渠壅淤致廢復濬三渠甫二月而功成後亦廢

清源鄉志高白諸河水經王明寨達交城界廣惠渠係

交城文水第二道汾河堰渠渠冊在交城案高白諸河

城志謂之平壺石河自縣南界大小辛村入資審河合

流至文水上河頭村入汾清源志所謂廣惠渠者似即

指磁審河入汾而言今汾河東徙不入交城而磁審河

即行汾河故道西與文峪河合矣舊通志記交城汾河

凡三段其在城東者由清源鹽村入境河北歷義望

渠社家東汾陽四村河南歷鄭村連家寨郭家寨賈家

四村至文水縣石堰村出境表二十六里志謂地高河

低不能引水灌漑胥無渠道今則河自清源孔村即入

文水縣境文水雖有廣惠渠而在其縣東南與渠冊屬交城者當別是一渠

河隄城北舊有臥虹隄今廢

舊通志臥虹隄元至正七年知縣程元直築新隄障塔

莎水明永樂十年步渾水塔莎水泛漲衝塌城垣

國朝康熙二年資瓦交流北門圯後知縣趙吉士壘石築隄障水南流三十五年隄壞水漲城垣復圯知縣俞卿修築水復南流四十六年水漲又修名臥虹隄丁世洧趙公築隄平路記塔莎水出資窰河盛夏怒湍橫流而入峪水以匯於汾勢稍平民蓄其餘以灌地步渾水出瓦窰河由城西北迤邐而東注於關上決必下衝不塞不禦城田兩廢也邑侯趙公吉士臨磁窰河曰用水以溉田利也利之所在必有兼之者乃命丞汪公潤期以

地多算定水盈縮百畝爲大區十畝爲小區高下胥達
矣步渾水時泛漲侵城急築隄石堅其外柳護其內引
水南下城東西故孔道窪下易爲壑乃濬濠深一丈取
壕中土以築道運石爲橋使水可南北通行復夾道植
柳焉

文水縣

縣東汾河渠五道河西四渠河東一渠溉四十七村田

廣濟渠在縣東北六十里韓武堡西灌韓武堡韓武村西
社鎮楊落堡閻家堡王家堡東郭家堡南白家莊麻家堡
西韓韓弓南莊鎮溫雲營兒村南安橫溝十六村地畝
廣惠渠在縣東五十里貫家堡西灌貫家堡保賢村保賢
莊雲州西東堡杏賢汾曲天象北賢九村地畝

利勒渠在縣東五十里雲州村西灌雲州原東胡家堡固
邑邢家堡五村地畝及祁縣西韓建安二村地

天德根渠在縣東南五十里水寨村灌水寨王家堡趙村
伯魚索家堡朱家堡下曲鎮下曲莊梁家堡田家堡永樂
石家莊十二村地畝

公義渠在縣東南四十里南齊村東灌南齊社村南北新
店忠義五村地畝及平遙仁莊地以上三渠爲冬堰各村
小雪後三日起至清明後三日止接堰
多寡以定水程與廣濟廣惠二渠有異
縣北文峪河三渠溉七村田

南灣渠在縣西北三村里文峪村引文峪河灌地三頃二
十畝有奇

甘泉渠在縣北二十里開柵口文峪河北岸下有二子渠

一灌開柵鎮地八頃三十畝有奇一入交城之廣興鎮

常稔渠在縣北二十里北徐村西文峪河南岸灌北徐南

徐宋莊樊莊中社五村地四十二頃

唐志開元二年文水縣令戴謙於縣東北五十里鑿甘泉

渠二十五里鑿蕩沙渠二十里鑿靈長渠胥引文峪水傳

溉田數千頃

舊通志文峪河土人亦稱沙河三渠共溉田五十三頃

六十畝有奇輪期用水渠甲司之一年一易案祁縣之

稱沙河自縣東入汾俗謂之小沙河乾隆十三年甘泉

常稔二渠爭挂上官為定水程甘泉渠每月大建分十

七日小建分十六日期內交城之廣興鎮灌二日二夜

常稔渠每月分十三日所灌之地每畝按九升七合納

課

文水縣志冬堰自宜兒村以下沿河村莊冬季築堰開

渠灌地不定幾堰亦無堰名

乾隆四十四年汾陽民與縣東小城南諸村爭水利

官定上自文水宜兒村下至汾陽乾河村自小雪日起至清明止計一百三十五日兩縣各分六十七日半所灌之地每畝按平地糧六升三合五勺納課案文始河自宜兒村以下近年轉徙無定所灌諸村志已不能舉其名與汾河之三堰不同故附見於汾

舊渠汾河有永濟烏麻永會廣濟原開五渠文峪河有唐蕩沙靈長干畝三渠及廣濟永賴洪橋清水崇通清龍六渠小沙河有豐戶一渠並廢又沁水畝水舊有稻田今並涸

舊通志永濟渠縣東二十五里南賢東南賢二都烏麻渠東四十里原西都永會渠東南二十里青安都廣濟渠東二十五里東城都原開渠東五十里原東都並因汾河遷徙淤塞里數與古志異以河道延袤且淤塞莫辨也廣濟渠一在大城南東舊城一在大城南東十里東舊城西舊城村一

在東北十五里東賢東八里西平東十五里舊城東北二十里南城東十五里南武五都創濬於唐邑令戴謙溉田數千頃厥後屢圯屢修一在東二十五里東城都

唐渠見上案唐文水縣在今城東十里其蕩沙靈長千畝三渠以里數核之唐濟故瀆當是也

永順渠天啟五年知縣米世發度地形於縣西北二十里創開起文谷口南崖下鑿石穿澗並西山引文峪水入城中紆折三十里固隄處多植樹後尋廢王在臺永賴渠碑起峪口而厯龍泉并西山以漸北郭所過峻嶺孤峰沛若建瓴而下北郊近渠灌田得若干頃經城繞泮環內外洪橋渠在北十里徐南東南十五里南仁二都邑人王賢等開溉田十五頃清水渠在東北五里昇泉都東北三里北榆都東南五里宜韓都崇通渠在東

北十里崇武都清龍渠在東北二十里文武都縣志縣東有文

沙汾三河而由文峪以迄西邊五六十里無帶水焉此永賴一渠米公所以為文計至深遠也泌水在

縣北八里龍泉村溉稻田數十頃東南注文峪河猷水

在東北二武陵村溉稻田後涸

祁縣志文邑豐戶渠明洪武二年開接水經河灣村以

至賈令鎮南引溉里村田案里村在縣東五十里祁縣界為昌源河入縣境之始今

河久不至

河隄隨河堵築今汾久徙文峪河濬復故道舊隄並廢

文水縣志乾隆二十三年汾河東徙文水西徙每逢雨

潦漲溢為患四十七年前撫蔣公守汾州會同文汾兩

邑北至文水孝義鎮南至汾陽鄧漕頭築長隄以防河

溢六十年知縣祝德全復補築之其後隄毀道光十五

年汾從縣之南安村溢與文合二十三年七月陡從麻
堡村徙而東淹沒民田不下數千頃知縣劉祖煥補築
長隄以遏之光緒五年文水從宜亭村南決口南流爲
百金堡隄所阻隄在汾陽境淹沒甚眾久之隄決入汾陽自
來縣境之河平行無漕最難施治近汾害較遠獨文峪
一河遷徙靡常又有資審白石諸河向之入汾者今皆
流入縣境藉文洩水每遇盛漲爲害滋深乾隆二十一年
汾河兩岸築夾板隄因旋築旋衝遂惟於種麥之虞
各自築堤保護麥田麥既收聽其衝漫二十六年知縣
顧學海詳稱縣境汾河自清源交界之榆林村起至田
家堡永樂村平遙界止縣互六十餘里夏秋泛漲遷徙
無定自古至今從無隄堰而田家堡以上河槽甚淺其
患尙少下游永樂村以下平遙汾陽一帶河槽甚淺其
害爲甚沿河沙土不堅督民所築之隄又非官工可比
浮鬆單薄不足以防異漲汾河遷徙自國初以來已
不知幾經更易耆老曰擊者猶能歷歷言之凡遇異漲
奪流改道之時奔騰浩瀾頃刻另自成槽非單薄隄堰

所能防禦而河身水隨沙壅附近悉繫帶沙之士其性
鬆浮萬難排清且亦不堪築隄目下所有隄堰高寬不
過數尺各處民力不齊原皆有名無實是無隄固難禁
其泛溢有隄亦不能保其歸情無隄而在上游四處散
漫之害輕有隄而驅於下游一處衝決之害重似不
若廢棄隄堰聽水漫散順水卽有淹沒爲害亦輕

岢嵐州

嵐漪河隄在南門外城內穿渠引水以供民汲

岢嵐州志南城壩距南門十數步漪水衝突勢近城址
道光間知州陳亦震始築壩以捍禦之後衝塌二十餘
丈光緒五年知州姜振岐學正史文炳督率士商修復
水池明宏治間參政汪藻於南門內甃池引注河水又
於西城內別開大池嘉靖四十年兵備王遴修故道引
水入城開三渠鑿十池以渚之後多湮塞

國朝康熙七年知縣趙瑾復濬渠導水至今利賴案所導之水乃

龍王堂泉在東郭北山下距城二里非
嵐漪河也城內舊無井民資以汲取焉

興縣

蔚汾河石隄在縣南

舊通志縣南瀕蔚汾水夏秋時驟漲舊有隄明嘉靖丙
辰隄潰知縣王完重修後復潰萬厯四十七年知縣毛
柏重修由南關火神廟起緣南濠至西城外隅止砌以
巨石緣隄廛舍獲安而水由南山猶時北衝東關
國朝康熙二十年水衝西關二十一年二十三年衝東關
二十六年三十四年又衝東關三十九年又衝西關四
十七年知縣欒廷芳詳與邑藉蔚汾一河以洩萬山之
水其河從嵐發源至興達於黃河延袤百餘里河身舊
循南山之麓去城一里有餘而今二十餘年大受水害

民房漂溺千有餘間蓋緣河從東來至城東水磨溝村
左有石硬折有南流至南山之麓復轉而西南山之旁
出一枝橫插河內里老稱此山在數十年前僅一山嘴
挂落水面不過丈餘故河流至此稍折仍依故道西行
自康熙十年河流湍急而支山曲處適當水衝狂濶專
注沙土漂縮所以現在河身較前南徙十有餘丈而向
日丈餘之支山亦遂長十餘丈今就形勢相度應將砥
流支山鑿平數丈使寬河面以殺其逆轉之勢於北岸
建石隄一道以抵其北來之衝又將舊河身挑濬深廣
使歸故道以通其宣洩之路至南關對面山下原有石
隘梗塞水口今宜稍加剗削俾水勢順利而北岸亦築
石隄一道仍寬留河面以暢其出口之途則河流不至

橫溢城垣不虞坍塌矣遂於閏三月肇工挑濬淤平舊
河身袤三百六十三丈六尺鑿河南岸東首頂流亂山
石嘴二尖角形東袤八丈西袤六丈西首石山角一弓
形袤六十丈遂築護城隄袤四百五十九丈面闊六丈
底闊八丈內東首石隄袤一百二十五丈西首石隄袤
一百三十丈隄外加築小石隄袤四十丈五月竣工雍正
八年火神廟側修小石隄一草市口修小石隄一以護南關

右太原府

山西通志卷六十六